

**NOVA ODJELJENJA U OPĆINSKOM SUDU SARAJEVO**

# Komunalne dugove naplaćuju posebno

**Izvršno odjeljenje po vjerodostojnim ispravama i Odjeljenje za sporove male vrijednosti, trebali bi Sud rasteretiti tovara od oko 800.000 predmeta**

U okviru Općinskog suda Sarajevo od 15. maja djeluju dva nova odjeljenja - Izvršno odjeljenje po vjerodostojnim ispravama i Odjeljenje za sporove male vrijednosti, formirana radi rješavanja komunalnih predmeta.

U Sudu očekuju da će se izmještanjem rješavanja u novoformirana odjeljenja dostići ažurnosti Parničnog, Privrednog i Izvršnog odjeljenja koja su već niz godina zatrpani komunalnim predmetima. U ovom trenutku oko 800.000 takvih predmeta čeka rješavanje.

Rad novoformiranih odjeljenja podržala je Kanada u okviru Projekta pravosudne reforme JRP, putem kojeg je donirana računarska oprema u vrijednosti od 75.000 KM.

Predsjednik Općinskog suda Goran Salihović očekuje da će naponi Suda na planu rješavanja komunalnih predmeta biti praćeni odgovarajućom zakonodavnom aktivnošću, odnosno uspostavom



**Za tužbe više nema mjesta**

državne ili entitetskih agencija za naplatu potraživanja na ime komunalnih usluga.

Formiranje novih odjeljenja pozdravio je jučer i direktor JRP-a Ted Hil, istaknuvši kako bi model primijenjen

u Općinskom sudu Sarajevo mogao biti primjer za rješavanje problema zaostalih predmeta na nivou BiH.

Predsjednica Kantonalnog suda Sarajevo Begzada Gavrankapetanović-Salihagić

ipak se plaši da bi sad usko grlo u rješavanju predmeta koji se tiču komunalnih dugova sad mogao postati njen Sud, u čijoj je nadležnosti rješavanje žalbi na odluke Općinskog suda i s tim je upoznala Visoko sudsko i tužiteljsko vijeće BiH.

U okviru novih odjeljenja angažirani su stručni saradnici koji su ovlašteni da rješavaju komunalne predmete. Izvršno odjeljenje po vjerodostojnim ispravama podijelilo je posao prema javnim komunalnim preduzećima - "Vodovod i kanalizacija", "Toplane" i "Rad", koja insistiraju na naplati potraživanja, pri čemu će prioritet u rješavanju imati velike firme dužnici.

U sklopu Odjeljenja za sporove male vrijednosti, od 3.000 KM i manje, rješavanje će biti vezano za period u kojem je obaveza nastupila, odnosno starosti predmeta na što su upozorile predsjednice novoformiranih odjeljenja Janja Jovanović i Ljiljana Lalović.

**San, 29/05/2007**